

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 1019231 23 I
Sarajevo, 10.05.2024. godine

Općinski sud u Sarajevu, sudija Anida Saračević, u pravnoj stvari tražioca izvršenja JAVNA USTANOVA DJECA SARAJEVA, ul. La Benevolencija br. 4, protiv izvršenika N.K. iz Sarajeva, radi izvršenja, prodajom pokretnih stvari izvršenika putem javnog nadmetanja, na osnovu člana 126. i 130., a u vezi sa članovima 135, 82, 87, 88 i 89 Zakona o izvršnom postupku /»Sl. Novine FBiH“ broj 32/03 od 18.07.2003. godine/, van ročišta dana 10.05.2024. godine, donio je:

Z A K L J U Č A K
o prodaji pokretnih stvari

ODREĐUJE SE DRUGO ročište za prodaju pokretnih stvari izvršenika N.K. iz Sarajeva a koje se nalaze na adresi ul. Fadila Jahića Španca br. 55, Sarajevo, putem usmenog i javnog nadmetanja i to :

- 1. TV SAMSUNG crne boje 40 inča.....200,00 KM
- 2. Klub stolić smeđe boje120,00 KM

Zaključno sa rednim brojem 2 (dva).

ZA DAN 14.06.2024. GODINE U 09,00 sati

**KOJA ĆE SE ODRŽATI U ZGRADI OPĆINSKOG SUDA U SARAJEVU SOBA
br. 454/IV- SLUŽBA SUDSKIH IZVRŠITELJA**

- 1. Rješenjem o izvršenju Općinskog suda Sarajevo broj 65 0 I 1019231 23 I od 15.03.2023. godine, određeno je izvršenje pljenidbom, procjenom i prodajom pokretnih stvari izvršenika.
- 2. Konstatuje se da je Sudski izvršni organ obavio pljenidbu pokretnih stvari o čemu je sastavljen pljenidbeni popis, iste su ostavljene na čuvanje izvršeniku uz zabranu za dalje raspolaganje, a kako je to navedeno u ovom Zaključku, o čemu je sastavljen Zapisnik broj 65 0 I 1019231 23 I od 11.01.2024. godine, dok su predmetne izvršenikove pokretne stvari, opisane kao u dispozitivu ovog zaključka, procijenjene od strane sudskog izvršitelja.
- 3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Na drugom ročištu za javno nadmetanje pokretne stvari se mogu prodati bez ograničenja u pogledu iznosa njihove cijene.
5. Kupac je dužan platiti cijenu u roku od 8 dana od dana prodaje. Ako to ne učini, drugi ponuđač biće proglašen kupcem i platit će cijenu koju je on ponudio i tako redom. Ukoliko se pokretne stvari ne uspiju prodati na drugom javnom nadmetanju, sud će obustaviti postupak.
6. U javnom nadmetanju kao kupci mogu učestvovati samo osobe koje su prethodno dala osiguranje koje iznosi 1/10 od procijenjene vrijednosti pokretnih stvari. Osobe koje sudjeluju u javnom nadmetanju dužne su prije početka ročišta predati sudu uplatnice da je osiguranje položeno na depozitni račun Općinskog suda u Sarajevu broj kod BBI banke broj 141 196 532 000 9639, sa naznakom broja predmeta. Ponuđačima čija ponuda nije prihvaćena osim za tri najbolja ponuđača, vratiće se osiguranje odmah nakon zaključenja javnog nadmetanja.
7. Nalaže se sudskom izvršiocu ovog suda da provede javno nadmetanje prodajom pokretnih stvari navedenih u stavu I ovog zaključka.
8. Ovaj zaključak će se objaviti na oglasnoj tabli ovog suda a stranke mogu o svom trošku zaključak o prodaji objaviti u sredstvima javnog informisanja.

S u d i j a
Anida Saračević, s.r.

POUKA: Protiv ovog zaključka nije dozvoljen pravni lijek.